

**NAQQIUT**

Siunnersuut 2. august 2016-imeersoq taarserlugu

(Iluarsiissummi taaguutip “tusagassiorfiit” atorneqarnera siunnersuutip kalaallisoortaani assigiissarneqarpooq).

Inatsisissatut siunnersuummut nassuaatit

**Nalinginnaasumik oqaaseqaatit****1. Aallaqqqaasiut**

1.1. Siunnersuummut pingaarerutillugu tunuliaqutaasoq.

Naalakkersuisut naqitatigut allatatigullu internetikkut nutaarsiassalerinermik, maannalu pisunik soqtiginaateqarsinnaasunik allaaserinnittartut sinnisaannik, maannamut tapiissuteqartarnikkut aaqqissuussaaneq pillugu oqaloqateqareerlutik, tapiissuteqartarnernut aaqqissuussinerit immikkut inatsisiliinikkut Inatsisartunik aalajangersaavigineqarnissaat pissusissamisoortutut isigivaat.

Aaqqissuussat maanna atuuttut nalunaarusiornikkut kulturikkut ingerlatsineq sunngiffimmilu tunngassutilinnik suliaqarnermut maleruagassat tunngavigalugit Naalakkersuisunik aalajangersaavigineqarlutik aaqqiivigineqartarput. Inatsisit toqqammavigalugit atortussaatitaasup immikkoortuata 2a-p allaaserineqarnera innersuussutigineqarpoq.

Inatsisinngortinneqarluni aaqqiivigneratigut qulakkeerneqassaaq, tusagassiorfinnik tapiissusiisarnerup inatsisartutigoortumik aalajangersaavigineqarnera, taamaalillunilu inatsisartutigut aatsaat akuerineqartumik maleruagassanik allannguisoqarsinnaalissalluni. Tunngaviusmillu tusagassiorfinnut tapiissuteqartarnernut malittarisassat akuttunngitsumik allangorartinneqartarnerisa pakkersimaarneqarnissaat qulakkeersimaneqarnerulissalluni. Tusagassiorfiit siunissamut ungasinnerusumut pilersaarusiorsinnaalernissaannik periarfissagissaartitsinerulissaaq, ilaliullugit sanaartoriaatsinik piorsaanissat.

Tamatigoortunik assigiinngisitaartunillu inuiaqatigiinnermut kulturimullu tunngassutilinnik tusagassiisarnermik qulakkeeriniarnermik piorsaaniarnermillu siunnersuut siunertaqarpoq, aammalu tamat oqartussaaqataanerannik naalakkersuinikkullu oqallinnermik kimittorsaaniarnermik siunertaqarluni.

Pisortatigoortumik tusagassiorfinnut tapiissuteqartarnissaq siunnersuutip taamaalilluni atituumik tusagassiorfitsigut nutaarsiassalerinermilu periarfissaqalernissaq sunniuteqarfigisussaallugulu qulakkeertussaavaa, nunalu tamakkerlugu qanigisamilu tusagassiorfiit ataasiakkaat assigiinngitsullu akornani tamatigoortuunissaq qulakkeertussaallugu. Pisortatigoortumik tapiissusiinerup, saqqummiussat imarisamikkut amerlasuunut tulluarsagaanissaat tamatigoortuunissaallu siuarsarlugulu ikorfartortussaavaa. Aaqqissuussaq tusagassiorfinnut ikorsiisarneq, suliad

iluarsartuullugit pilersaarusat ingerlanneqarnerinut ikorsiissutitut, sanaartorermullu tapiissutigineqartartunut maanna atuuttunut imarisamigut ingerlatitseqqiinnerulluni tunngaveqarpoq.

### 1.2. Inatsisiliornermi najoqqutat pingaarcerit

Naalakkersuisoqarfiup inatsimmut piareersaasiornermi tusagassiorfiit sinnisaat attaveqatigisimavaat, taamatuttaaq junimi 2015-imi tusagassiutit pillugit paasiniaaqatigiinnermi tusagassiorfinnut assiginngitsunut attuumassuteqartut oqaloqatigineqarput. Aammalu tusagassiorfinniik isummersuutigineqartut, nalunaarusiat marluusut inatsimmut uunga toqqammaviusut ilusilersornerini eqqarsaasersuutinut ilaliunneqarsimallutik.

### 1.3. Siunnersuutip imarisaasa nalinginnaasumik pingaarnersiorneqarnerat

Siunnersuutip aalajangersaavigivaa, Naalakkersuisut tusagassiorfinnut tapiissuteqarsinnaasut sulianut iluarsartuullugit pilersaarusanut ingerlatanut tapiissusiinikkut imaluunniit ingerlatsinermut tapiissusiinikkut. Siunnersuutip nassuaaserpaa, tapiissuteqariaatsit marluusut qanoq paasineqassanersut. Siunnersuutip aamma aalajangersarpaa, aningaasanut inatsimmi aalajangersaanikkut aningaasaliissutit tapiissutigineqartut sulianut iluarsartuullugit pilersaarusanut tapiissutit imaluunniit ingerlatsinermut tapiissutit tunniunneqartassasut, aammalu sulianut iluarsartuullugit pilersaarusanut tapiissusiisarnernut aaqqissuussaqa naapertorlugu aningaasat tapiissutaasut atunngitsuukkat, ingerlatsinermut tapiissusiisarnermik aaqqissuussamut nuunneqarnerisigut tunniunneqarsinnaanngussasut.

Tusagassiorfiit sorliit tapiissutinik pisinnaatitaanersut aamma aalajangersarneqarpoq.

Tapiissuteqarnermut aaqqissuussinerni marluusuni tapiiffigineqarnissamut piumasaqaatit ataatsimoortut immikkoortullu aalajangersarneqarput.

Kiisalu tapiissuteqarnermut aaqqissuussinerni marluusuni ilanngullugu aalajangersarneqassaaq, aaqqissuussinerit tamarmik immikkuutitaarlutik atuuffissaat, tapiissutinillu tunniussinissamut kina aalajangiisuuussanersoq. Tamatuma saniatigut ilanngunneqarput qinnuteqarnermut periusissiaq, naatsorsuutinik kukkunersiorneqarnissaannillu piumasaqaatit, pisortaqarnermut tunngasut, nakkutiliinermut tunngasut kingunerititallu.

Allannguutit annikitsunnguit eqqaassanngikkaanni, tapiissuteqartarnermik aaqqissuussanut marlunnut maanna atuuttuusunut, siunnersuut imarisamigut assinguvoq. Tamanna pillugu siunnersuummi qulequttat pingaarcerit allaaserineranni imm. 2b innersuutigineqarpoq.

## 2. Siunnersuummi immikkoortut pingaarcerit

### a) Inatsit atuuttoq

Inatsit atuuttoq tassaavoq Kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaat nr. 10, 21. maj 2002-meersoq, taannali atorunnaarsinnejassaaq 1. januar 2017, Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaata nr. 5, 6. juni 2016-imeersup atortuulerneratigut. Saniatigullu malittarisassat atuuttut aamma aalajangersagaapput tusagassiutinut tapiissuteqartarneq pillugu Namminersorlutik Oqartussat nalunaarutaat nr. 19, 8. oktober 2015-imeersoq aamma Nuna tamakkerlugu tusagassiutinut naqitanut ingerlatsinermut tapiissuteqartarneq pillugu Namminersorlutik Oqartussat nalunaarutaanni nr. 10, 26. maj 2016-imeersumi.

Kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaanni nr. 10, 21. maj 2002-meersumi takuneqarsinnaavoq, Naalakkersuisut kommunalbestyrelsili atuagassianut tapiissuteqarsinnaasut, tassani pineqarlutik aviisiliornermik atuagassialerinermillu suliallit qanigisami imaluunniit nuna tamakkerlugu naliginnaasumik kulturikkut inuiaqatigiinnut paasissutissiarnermik siuarsaallutik suliniuteqartunut. Peqqussutip § 31-mi aalajangersagaavoq kulturikkut inuiaqatigiinnut paasissutissiarnermik suliniuteqartunut tunngasunik maleruagassianik Naalakkersuisut aalajangiisinjaasut.

Tusagassiorfinnut tapiissuteqartarneq pillugu nalunaarusiami ersippoq, tapiissutit sulianut ingerlatanut allatatigut internernetikkullu inuiaqatigiinnut paasissutissanik ingerlatsisunut, tamat oqartussaaqataanerannik, tusagassiutitigullu tamatigoortumik ingerlatalinnut, siuarsaatit tunniunneqarsinnaasut. Tusagassiorfinnut arlaannaanulluunniit attuumassuteqaratik nutaarsiassanik soqutiginaatilinnillu kalaallinut atuartartunut suliaralugit naleqqussakkanik, imaluunniit nunani allani pisunik kalaallinut naleqqussarlugit sulianik, naqiterlugit imaluunniit internetikkut sulianik saqqummiussassanik aallarnisaasunut inerisaasunullu tapiissusiisoqarsinnaavoq.

Suliat iluarsartuullugit pilersaarusrusiorlugit ingerlatat tapiiffigineqarmissaannut arlalinnik piumasaqaasersuisoqarsimasoq nalunaarusiami allassimavoq, ilaliunneqarsimalluni tusagassiorfiit suliffeqarfinnik pisortanik pigineqarlutik imaluunniit piginneqataaffigineqarlutik ingerlanneqartut, imaluunniit suliffeqarfinnik pisortanik aningaasalersorneqartunik pigineqartut piginneqataaffigineqartulluunniit, assingusumilluunniit inisisimasut tapiissuteqarfigineqarsinnaanngitsut. Ilanngullugu tapiissutit 70%-imut killilerneqarsimapput, tusagassiorfiit namminerisaminnik aningaasarsiorsinnaassuseqarnissaat qulakkeerniarlugu.

Nalunaarusiami piumasaqaataavoq, tusagassiorfik tapiiffigineqassaguni namminersortuulluni tusagassiorfiussasoq. Qulakkeerumallugu tusagassiorfik tapiissuteqarfigineqartoq, nutaarsiassalerinertermik naammaginartumik pitsaassusilimmik, inuiaqatigiit pisariaqartitaat naapertorlugit tunniussaqarsinnaasumik suleqatigiiffiusumik aaqqissuisoqarfearluni toqqammaveqarnissaa, aalajangerneqarsimavoq tusagassiorfik tapiiffigineqarsinnaassaguni, aaqqissuisoqarfimmi minnerpaamik pingasunik ukioq naallugu akissarsiaqartunik sulisoqassasoq, akisussaalluni aaqqissuisoq ilanngullugu.

Nalunaarusiaq ataatsimiititaliamut tapiissutinik agguaasisartuusumut aamma maleruagassartaqarpoq. Ataatsimiititaliaq qinnuteqaatinik suliarinnittussaavoq, tapiissutinillu agguaassassinissamik aalajangiisuussalluni. Ataatsimiititaliap katiterneqarnera, atuunnerata sivisussusaa, inatsisitigut aaqqissuussaanera, allattoqarnikkut malitassaat akissarsiaqartitsinerlu nalunaarusiamni maleruagassat ilusilerpaat.

Nalunaarusiaq sulianut iluarsartuullugit pilersaarusrusiorluni ingerlatassanut tapiissutinik qinnuteqaateqarnernut periusisanut, naatsorsuutinik piareersimasassanut kukkunersiuinermullu tunngasunik maleruagassartaqarpoq, ilaliullugu piumasaqaataavoq naatsorsuutit kukkunersiuisumik kukkunersiusutut akuerisamik kukkunersorneqarsimanissaat, 150.000 kr.-it sinnerlugilluunniit tapiissutigineqassappata.

Kiisalu nalunaarusiamni, aqutsisoqarnermut, nakkutilliinermut kinguneqartitsinermullu tunngasunik maleruagassartaqarpoq. Tapiissutigineqartut, nalunaarusiallu malittarisassaasa eqqortumik atorneqarneri agguaassinermi ataatsimiititaliap nakkutilliisussaatitaaffigivai. Ataatsimiititaliaq piumasaqaatit ersarissakkat naapertorlugit tapiissutinik tunniussinissamik unitsitsisinnaatitaavoq imaluunniit tamakkiisumik ilaannakortumilluunniit utertitsinissamik piumasaqarsinnaatitaavoq.

Nalunaarusiamni maanna atuuttuusumi ersippoq, tusagassiorfinnut arlaannaanulluunniit attuumassuteqanngitsunut naqitikkanik nuna tamakkerlugu saqqummersitsisartunut ingerlatsinermut ukiumoortumik tapiisuteqartoqarsinnaasoq.

Nalunaarusiamni tapiissutinik tunniussisarneq pillugu arlalinnik piumasaqaasiortoqarpoq, ilaliullugu tusagassiorfiup nuna tamakkerlugu saqqummiisarnissaa, sapaatit akunnerannut ataasiarluni saqqummersartuunissaa naqitatullu isikkoqarnisaa piumasaqaatigineqarluni. Tusagassiorfiit pisortat suliffeqarfiutaannik pigineqartut piginneqataaffigineqartullu imaluunniit suliffeqarfiit pisortatigoortumik aningaasalorsorneqartut assingusumilluunniit inissisimasut tapiissuteqarfigineqarsinnaanngillat.

Nalunaarummi piumasaqaataavoq, tusagassiorfik tapiissuteqarfigineqarsinnaassaguni namminersortuusariaqartoq. Tusagassiorfiup tapiissuteqarfigineqarsinnaasutut inissisimanissaa qulakteerumallugu aalajangerneqarsimavoq, tusagassiorfik nutaarsiassalerinermik naammaginartumik pitsaassusilimmik, inuiaqatigiit pisariaqartitaat naapertorlugit tunniussaqarsinnaasumik suleqatigiiffiusumik aaqqissuisoqarfeqarluni toqqammaveqassasoq, aalajangiivigineqarsimavorlu tusagassiorfik tapiiffigineqarsinnaassaguni aaqqissuisoqarfimmini minnerpaamik pingasunik ukioq naallugu akissarsiaqartunik sulisoqassasoq, aaqqissuisuuneq ilanngullugu.

Ilaliullugu naatsorsuutinut tunngasut, qinnuteqaateqarnermut periutsinut, tapiissuteqaatinillu tunniussinermut maleruagassat nalunaarummut ilanngunneqarput. Naatsorsuutinik kukkunersiuismut uppernarsarneqarlutik akuerineqartunik, assigisaannillu nassiussinerit kingusinnerpaamik qinnuteqaatinik nassiussinernut peqatigitinnejassapput. Ingerlatsinermut tapiiffingineqarnissamut ukiumut ataasiarluni qinnuteqartoqarsinnaavoq, akuersissutilu katinneqarnerat tamakkisumik aningaasanut inatsimmut ilanngunneqartassapput, maleruagassat naapertorlugit minnerpaamik qinnuteqartumut ataatsimut tapiissuteqaatinik tunniussisoqarsinnaalerpat.

b) Siunnersuut

Siunnersuutip annersaa maleruagassanik atuuttooreersunik ingerlatseqqinnermik imaqarpoq.

Aningaasartuutissanut inatsimmi tapiissuseeriaatsit marluusut tamarmik immikkut kontodalernissaannik aalajangersaaneq nutaartaavoq, aningaasallu sulianut iluarsartuullugit pilersaarusrorluni ingerlatanut tapiissutaasut atunngitsoorneqartut, ingerlatsinermut tapiissuteqartarnermik aaqqissuussamut nuunneqarlutik tunniunneqarsinnaalissallutik. Aningaasat agguagassat aappaat tassaassapput tusagassiuutinut minnerpaamik sapaatip akunneranut ataasiarlutik saqqummersartunut tapiissutit. Aningaasat agguagassat aappaat tassaassapput tusagassiuutinut sapaatip akunneranut ataasiarlutik akuttunerusumik minnerpaamilli qaammammut ataasiarlutik saqqummersartunut tapiissutit. Ingerlatsinermut tapiissutit tusagassiuutit ataasiakkaat ukiumi tapiissuteqarfiusumi aningaasat agguagassat iluanni saqqummersitat tapiiffingineqarsinnaatitaasut amerlassusaannut tamarmiusunut sanilliullugu tapiissuteqarnissamut piumasaqaatinik eqqortitsilluni ukiumi tapiissuteqarfiusumi saqqummersitaasa amerlassusaat tunngavigalugu agguerneqartassapput.

Aningaasaliissutit tamarmiusut qinnuteqartuni minnerpaamik ataasiinnarluunniit tapiissuteqarnissamut piumasaqaatinik eqqortitsippat atugassanngortinneqartassapput.

Siunnersuutigineqarportaaq, sulianut iluarsartuullugit pilersaarusrorluni ingerlasunut tapiissusiisarnernut maleruagassami maanna atuuttumi, tusagassiorfik minnerpaamik ukiuni pingasuni ingerlareersimassasoq piumasaqaammit, qinnuteqartup ukiumi qinnuteqarfiusumi suliffeqarfini aallarnisarpagu, piumasaqaammit atuutsitsinngitsoorfiusinnaanera ingerlatsinermut tapiissuteqarnernt aamma atuutsinneqassasoq.

**3. Pisortanut aningaasaqarnikkut allaffissornikkullu kingunissai**

Siunnersuutip aningaasaqarnikkut allaffissornikkullu pisortaqarfinnut kinguneqarnissaa ilimagineqanngilaq, pissutigalugu siunnersuutip imarisaasa annersaat maleruagassanik pioreersunik ingerlatsitseqqinnerummata.

**4. Inuussutissarsiortunut aningaasaqarnikkut allaffissornikkullu kingunerisassat**

Inatsisit atuuttut malillugit ingerlatsinermut tapiissutit taamaallaat tusagassiorfinnut sapaatip akunneranut ikinnerpaamik ataasiarluni naqitatigut saqqummersitsisartunut tunniunneqarsinnaapput. Siunnersuummi akuttussuseq allanngortinneqarpoq, taamaalilluni tusagassiorfinnut qaammammut ikinnerpaamik naqitatigut ataasiarluni saqqummersitsisartunut tapiissutit tunniunneqarsinaalerlutik. Qinnuteqartut qassiuneri apeqquataallutik suliffeqarfiiq ilaat malittarisassat atuuttut malillugit annikinnerusumik tapiissuteqarfigineqarsinnaassapput, matumani ingerlatsinermut tapiissutinut aningaasaliissutit amerlassusaat allanngorsimanngippata. Paarlattuanik suliffeqarfiiq amerlanerit ingerlatsinermut tapiissutinik tunineqarsinnaanerat siunnersuutikkut ammaanneqassaaq.

## **5. Avatangiisinut, pinngortitamut innuttaasullu peqqissusaannut kinguneri**

Siunnersuut avatangiisinut, pinngortitamut innuttaasullu peqqissusaannut kinguneqanngilaq.

## **6. Innuttaasunut kinguneri**

Siunnersuut innuttaasunut kinguneqanngilaq.

## **7. Pingautilittut kinguneqaataasinnaasut allat**

Kinguneqaataasinnaasoqanngilaq.

## **8. Oqartussaasut kattuffillu tusarniaaffigineqarnerat**

26. maj 2016-imiit 30. juni 2016-imut siunnersuut tusarniaavigisassanut ukununnga tusarniaassutigineqarpoq:

Naalakkersuisut Siulittaasuata Naalakkersuisoqarfia, Ineqarnermut, Sanaartornermut Attaveqaqatigiinnermullu Naalakkersuisoqarfik, Aningasaqarnermut Naalakkersuisoqarfik, Aatsitassanut Ikummatissanullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Suliffeqarnermut Niuernermullu Naalakkersuisoqarfik, Ilaqutariinnernut, Naligiissitaanermut Isumaginninnermullu Naalakkersuisoqarfik, Peqqissutsimut Naalakkersuisoqarfik, Pinngortitamut, Avatangiisinut Inatsisinillu Atortitsinermut Naalakkersuisoqarfik, Nunanullu Allanut Pisortaqarfik, KNR, Kulturministeria, NUSUKA, Kalaallit Nunaanni Sulisitsisut, SIK, Tusagassiortut Peqatigiiffiat, Atorfillit Kattuffiat, Lokalradiut aamma lokal Tv-it peqatigiiffiat, Sermitsiaq AG, Atuakkiortut Peqatigiiffiat, Oqaasileriffik, Ilisimatusarfik, Iglo Magazine, qeqqa.gl aamma Q-offset.

Tusarniaanermut atatillugu akissutinik ukunannga tigusaqartoqarpoq:

Naalakkersuisut Siulittaasuata Naalakkersuisoqarfia, Aalisarnermut, Piniarnermut Nunalerinermullu Naalakkersuisoqarfik, Ilaqutariinnernut, Naligiissitaanermut Isumaginninnermut Inatsisinillu Atortitsinermut Naalakkersuisoqarfik, Aningasaqarnermut Naalakkersuisoqarfik, Sermitsiaq AG aamma Kalaallit Nunaanni Sulisitsisut.

Tusarniaanermut akissutigineqartut aamma siunnersuutip inatsisit teknikkiisigut misissuataarneqarnera pissutissaqartitsisimavoq siunnersuummi ataasiakkatigut allannguinissamut. Taamaasilluni siunnersuummi § 1, imm. 4-mi killiliisoqarsimavoq, tassani oqaaseqatigiit kingullit peerneqarmata. Siunnersuummi § 18-imi imm. 1 aamma imm. 2 allannguuteqarput (sinnaavoq) sinnaavutut aalajangersaganngortinnejqarami. Kiisalu piumasaqaat qinnuteqaatip allaganngorlugu suliarineqarnissaanik, aamma qinnuteqartup aningaaserivimmi konto-minik ilisimatitsisussaanerata atuuffia annertusineqarpoq suliniutinut tapiiffigineqarnissamik qinnuteqaatinut aamma atortuulersillugu.

Tamatumalu saniatigut ataasiakkaatigut allannguinernik aamma erseqqissaanernik oqaaseqaatini allannguisoqarpoq.

Tusarniaanermut akissutit ataasiakkaat tusarniaanermut akissutit pillugit allakkiami ilanngussatut 1-itut ilaasumi oqaaseqarfingineqarput.

### **Inatsisissamut siunnersuummi aalajangersakkanut ataasiakkaanut oqaaseqaatit**

#### *§ 1-imut*

##### Imm. 1-imut

Aalajangersakkami, tusagassiorfinnut tapiissuteqaateqarnerit qanoq ililluni inatsit naapertorlugu tunniunneqarsinnaasut aalajangersaavigineqarpoq. Aalajangersakkamut tunuliaquattu siunertallu paasilluarneqarnissaannut siunnersummut immikkoortortat pingarnerit takunissaat innersuutigineqassaaq.

Oqaasertaliussaq "tamanna pillugu qinnuteqaateqareernikkut tusagassiorfinnut tapiissuteqartoqarsinnaavoq" imatut paasineqassaaq, qinnuteqaateqartoqarneratigut taamaallaat tapiissuteqarfigitittoqarsinnaasoq. Oqaaseqatigiinni passiv form-ip atorneqarneranut peqquaavoq, tapiissuseeriaatsini marluusuni tapiissuteqaatit assigiinngitsunik marluusuniik tunniunneqartussaammata, tassa tapiissutinik agguassinermut ataatsimiititaliap sulianut iluarsartuulligit pilersaarusanut ingerlatassanut tapiissuteqaatit tunniuttussaammagit, Naalakkersuisunillu ingerlatsinermut tapiissuteqaatit tunniunneqartussaallutik.

##### Imm. 2-mut

Aalajangersakkami, sulianut iluarsartuulligit pilersaarusiqlugit ingerlatassanut tapiissuteqarneq qanoq paasineqassanersoq aalajangersaavigineqarpoq.

Iliuutsit suliallu qinnuteqaateqartup pilersinniagai aallarnisarniagaalu aalajangersakkami ilaapput.

Suliniutip piffissami aalajangeriikkami naammassineqarsinnaanissaa piumasarineqarpoq, qinnuteqaatillu tunniunneqarnerata nalaani piareersareerneqarsimassalluni naammassineqaruni isikkussarisaa ersereerluni.

Imm. 3-mut

Aalajangersakkami, ingerlatsinermut tapiissuteqarneq qanoq paasineqassanersoq aalaajangersaavagineqarpoq.

Naliginnaasumik ingerlatsinermut aningaasartuutinik nalunaarsuineq tamakkiisuunngilaq. Ulluinnarni ingerlatsineq, iluarsartuussilluni pilersaarusrorluni suliniutinut suliffeqarfimmuit naliginnaasumik ilaanngitsunut illuatungiusutut isigineqassammata.

Imm. 4-mut

Tusagassiorfinnut tapiissuteqartarnermik aaqqissuussap aningaasalorsorneranut toqqammaviusoq nalunaarusiap erseqqissarpaa. Tassaallunilu manna tikillugu Nunatta Karsia, aningasaqarnermut inatsimmi akuersissuteqarnikkut aalajangersaavagineqartartoq.

Aalajangersakkap piumasaqaatitarivaa, marlunnik immikkoortunik akuersissuteqartoqartassasoq, tapiissuteqarnernut aaqqissuussanut marlunnut immikkoortnunut toraagalinnik. Tamatumunnga peqquataavoq, Inatsisartut aningaasaqarnermut inatsimmik akuersissuteqarnerisigut aaqqissuussanut marluusunut aningaasat atorneqartussatut akuerisat qanoq annertussuseqarnissaasa aalajangiivineqartarnissaat tulluartutut isigineqarmat.

## § 2-mut

Imm. 1-imut

Aalajangersakkap, tusagassiorfiit qanoq ittuusut inatsit naapertorlugu ikorsiivigineqarsinnaanersut aalajangersaavigivaa. Aalajangersakkamut tunuliaquttat siunertallu paasilluarneqarnissaat pillugu siunnersuummut immikkoortortat pingaernerit takunissaat innersuutigineqassaaq. Aalajangersakkap immikkuualuttortaasa paasilluarneqarnissaannut nassuaatit imm. 2-miik 5-imut innersuutigineqarput, tassani immikkuualuttut ataasiakkaat nassuaatigineqarmata.

Aalajangersakkap immikkoortuanut kingullermut peqquataavoq, inuit aalajangersimasumik amerlassusillit tusagassiummik pisisartut pisisartunngortussalluunniit imaluunniit atuisut atuisuulerumaartulluunniit Kalaallit Nunaannut kalaallilluunniit kulturiannik ilisamasaqareertussaasut kissaatigineqarmat. Taamaammat tusagassiorfiup allaaserisat assinullu sulianut attuumassuteqartut allat toqqartornerisigut, katiternerisigut, naleqqussarnerisigut ataatsimoortunngorlugillu suliarinerisigut imarisamikkut inunnut saqqummiiviginiaakkanut

taakkununnga naleqqussagaanissaat naatsorsuutigineqarpoq. Tusagassiorfiup nunani allani pisunik inunnut saqqummiivigisassanut imarisamikkut naleqqussaasarnissaat aalajangersakkap piumasaqaatitarivaa.

Imm. 2-mut

“namminerisaminik aaqqissuisuuneqarfepat” paasineqassaaq, tusagassorfimmut attuumassuteqarlutik atorfeqartut eqimattaallutik tusagassiorfiup pineqartup aaqqissuisoqarfinnaani allamik suliaqaratik aqtsisut.

Imm. 3-mut

Nr.1-imikilliliinertut aalajangerneqartoq piginnittuussutsimik ilusileeriaatsinut tamanut atuuppoq, ilaliullugu toqqaannangikkaluamik piginnittuuneq, soorlu pisortatigut oqartussaassuseqartut, suliffeqarfuit imaluunniit suliffeqarfuit pisortanik aningaasalersuiffiqneqartut assigisaallu tamakkiisumik ilaannakortumilluunniit tusagassorfimmik piginnittuuppata.

Suliffeqarfik pisortanik aningaasalersugaasutut isigineqassaaq, ingerlatsinermut tamakkiisumik aningaasartuutaasa 50%-ii sinnerlugilluunniit pisortanik tapiissutaappata. Aningaasalersueriaatsit assigiinngitsut pillugit qajassuussisoqarsinnaavoq, suliffeqarfuit pisortanik pigineqarnera imaluunniit ingerlatsiviup pisortanik aningaasalersugaanera ersarippat.

Aalajangersagaq nr. 2-miuttoq aalajangiunneqarsimavoq soqtigisanut immikkut ittunut attuumassuteqannginnissaq qulakteerniarlugu.

Killiliussaq piginnittuunermik aaqqissusuresseriaatsinut tamanut atuuppoq, soorlu toqqaannangitsumik piginnittuunerit, tusagassiorfiup affaa sinnerluguluunniit sulisitsisumik, sulisumik, branchemik soqtigisaqaqatigiiffinnilluunniit pigineqartillugu, tassungalu politikkikkut partiit ilaapput.

Imm. 4-mut

“saqqumiussat assingusut” isumaqarpoq, saqqumiussat assilineqarlutik pappiaqqatigut amerlasuunngortitat akuttunngitsumillu saqqummersinnejartartut.

Imm. 5-imut

“tusagassiutit internetikkoortut” isumaqarpoq, tusagassiutit internetikkut nittartakkatigut saqqummersitsisartut.

“annikinnerusumik” imatut paasineqassaaq, assit nipillu tusagassiutip saqqummersitamini annerusumik atussanngimmatigit, kisiannili saqqummersitanut ilanngunneqarsinnaallutik.

### § 3-mut

Imm. 1-imut

Tapiissuteqartarnernut marluusunut piumasaqaatit ataatsimut atuuttut aalajangersakkami erseqissaatigineqarput.

Nr. 1-imikangerlarsimaffimmik oqartoqarneranut paasineqassaaq, illoqarfik nunaqarfilluunniit tusagassiorfiup najukkatut nalunaarsorneqarfia. Kalaallit Nunaanni angerlarsimaffianik oqartoqarneranut pingaarnertut tangertarivaa, tusagassiorfiup Kalaallit Nunaanni aalajangersimasumik niueriarfeqarnissaa. Taamatuttaaq Kalaallit Nunaanni eqqartuussivitsigut suliassangortitsisoqarsinnaavooq tamakkiisumillu akileraartussaatitaalluni. Tusagassiorfik sumiiffinnut arlariinnut nalunaarsorneqarsimaguni, tusagassiorfiup pingarnermik allaffeqarfigisaa angerlarsimaffiatut isigneqassaaq.

Nr. 2-mi pingartinneqarpoq, aaqqissuisoqarfik piffissaq tapiissuteqarfigineqartoq tamakkerlugu akisussaasumik aaqqissuisoqassasoq, aaqqissuisoqarfipataatsimoorussamik suleqatigiiffiunerani tusagassiorfiup nutaarsiassalerinikkut imarisaanut inummik ataatsimik akisussaasoqassammat.

Nr. 3-mi aalajangersarneqarpoq aaqqissuisoqarfik aalajangersimasumik amerlassusilinnik sulisoqassasoq. Nalunaaquttap akunnerisa suliffiusut katinneqarnerat minnerpaamik ukiumut suliffit pingasut amerlaqataannik sulisoqassaaq, aaqqissuisuuneq ilanngullugu, qinnuteqartup suliffik ukiumi qinnuteqarfiusumi imaluunniit ukioq qinnuteqarfik sioqqullugu pilersissimanngippagu.

Ukioq naallugu suliffeqartuusut katinneqarnerini akissarsiaqarlutik imarisanillu suliaqartut ilanngunneqassapput, akissarsiaqarlutik suliffimmi sungiusartut ilanngullugit, tusagassiorfimmilu pilersitsisinnaassuseqarluni saqqummersitassanik inaarsaanermik aaqqissuisoqarfimmipiingaarnertut suliaralugu aqutsisut. Ajornartinneqassanngilaq, ukioq naallugu inummut ataatsimut suliffissaritaasut suleqataasunut amerlanerusunut agguataarneqarsinnaanerat, taamaallaat suleqataasunik akunnerit suliffigisaasut katinneqarnerat minnerpaamik piffissaq tamakkiullugu atorfinnut pingasunut nallersunneqarsinnaappat. Aamma pisariaqavinngilaq akisussaalluni aaqqissuisup piffissaq tamakkerlugu aningaasarsiaqarluni sulisuunissaa, aaqissuisoq suleqataasullu aamma taamatut ullup ilaanna suliffeqarsinnaammata. Imitsillutilli sullisisartut (freelance) ukioq naallugu suliffinnut pingasuusunut ilaatinneqannngillat.

Minnerpaamik ukioq naallugu pingasunik sulisinnaasunik sulisoqartussaanermik piumasaqaat oqilisaasoqarnissaa pissusissamisoortutut isigneqarpoq, suliffeqarfiup aallarnisarneqarnerata nalaani, tusagassiorfimmik pilersitsineq annertuallaanik aallaqqaatissatut aningaasaliiffigineqartariaqarsinnaammata.

Nr. 4-mi aalajangersarneqarpoq, tusagassiorfiup pineqartup tamakkiisumik imarisaasa ilai aalajangersimasumik annertussusillit tusagassiorfimmut tassungarpiaq immikkut namminersuutigalugit sanaartorlugit tusagassiuserinikkut sulisassasut. Piumasaqaammi

annertussusilerneqarput, saqqummersartumi tassanerpiaq tamanut takusassianngorlugit saqqummersitassat aaqqisuisoqarfimmi suliarineqartut, minnerpaamik affai immikkut namminersuutigalugit tusagassiuserinikkut sanaartorlugit suliaanissaat.

”Immikkut namminersuutigalugit tusagassiuserinikkut sanaartorlugit suliat” isumaqarpoq, tusagassiorfiup isumaqatigineratigut, tusagassiorfik aqqutigalugu saqqummiussinikkut tusagassiorfiullu aningaasarsiaqartitsineratigut suliat. Sanaartornerullu aallarnisaavginera piviusunngortinneralu tusagassiorfimmi suliarineqassaaq imaluunniit tusagassiorfimmik sullissinikkut pissalluni.

Akerlianillu, nutaarsiassaqartitsiviit saqqummiussaannik nikisinnagit atuineq annikitsumillu naleqqussaalluni aaqqissuineq, assersuutigalugu, immikkoortortanik nikisiterineq, assilluunniit annertussusaannik allannguinerit, nalunaarsuutinik atuinerit, tegneserienik pisianik atuinerit, oqallissiatut ilanggussanik allanillu atuinerit immikkut namminersuutigalugit tusagassiuserinikkut sanaartorlugit aaqqissuisoqarfitsigoortumik suliatut aaqqissuussatut isigineqassanngillat.

Tusagassiorfiit nutaarsiassaleralutik internetikkut nittartakkatigut saqqummersartut, atuisut oqallinnermikkut pilersitaannik imaqrarisaminut ilanggussuisarneri naliginnaavoq, tamatumani blogitigut saqqummiussukkanik, atuartartut tusagassiorfiup imarisaanut oqaaseqaateqarlutik allaaserisarisaannik killilersugaannginnerusumik oqallisiginnillutik allaaserisarisaannik tusagassiorfiit atuisarnertik ileqqorivaat. Tamakkua aatsaat immikkut namminersuutigalugit tusagassiuserinikkut sanaartorlugit suliatut isigineqassapput, tusagassiorfimmi pineqartukkut saqqummiussassatut bloggerimik aalajangersimasumik akissarsiaqartitaalluni tusagassiorfimmut attuumassuteqarluni suliarineqarpata.

Nr. 5-imi siunertarineqarpoq, tusagassiorfitsigut amerlanerit soqtigisaannik ingerlatsisuunissamik qulakkeersimaarinninnissaq, inuiaqatigiinnilu eqimattat ataasiakkaat soqtigisaannik ingerlataqannginnissaq. Tusagassiorfiup atuisut amerlasuut sammisarisinnaavai, assersuutigalugu pingaarnertut aalisarnermi pissutsit inuiaqatigiinnut atatillugit sammisarigunigit, illuatigulli tusagassiorfiit aalisarnermi inuussutissarsiornermi atortorissaarutaanerusunut tunngassutilinnik imarititaqartuusut, amerlasuunut sammisaqartutut isigineqassanngillat. Tusagassiorfiup amerlasuunut saaffiginnittuunera piviusorsiortumik nalilersuinermik tunngaveqartariaqassaaq.

Aalajangersakkami nr. 6-imi toqqammavagineqarpoq kalaallit oqaasii pisortatigoortumik oqaaserineqarmata, taamaattumillu saqqummersitat minnerpaamik kalaallisut piviusunngortinneqartassallutik. ”Minnerpaamik” isumaqarpoq saqqummersitani oqaatsit allat aamma ilaliullugit piviusunngitsisoqarsinnaasoq.

Imm. 2-mut

Aalajangersakkap, tapiissutigineqartut piumasaqaatitalerneqarsinnaanerinik periarfissiissuteqarneq aalajangersarpaa. Atugassarititaasut sulianut ingerlatassanut tapiissuteqartoqarneratigut,

agguaassinermut ataatsimiititaliamik aalajangerneqassaaq, ingerlatsinermullu tapiissuteqarnermi Naalakkersuisut aalajangiissallutik.

Atugassarititaasut siunertamut tapiissuteqarfingineqartumut attuumassuteqarluinnartariaqarpoq.

#### *§ 4-mut*

Aalajangersakkap aalajangersimasumik oqaatigaa, sulianut iluarsartuullugit pilersaarusanut ingerlatassanut tapiissuteqaateqartarnermi pingarnerutilugu naliginnaasumik inuiaqatigiissutsimut tunngassutilinnik ilisimasariaqakkanik siuarsaanissaq siunertarineqartoq. Naliginnaasumik inuttaasunik qaammarsaaneq inooqatigiinnermi naleqartitani annertuumik pingaaruteqartinneqarpoq, inuiaqatigiinnilu paassisutissanik ingerlatitseqatigiiffiusuni toqqammatuulluinnartuulluni.

Siunertarineqarporlu suliap iluarsartuullugu pilersaarusiap pilersitaasa imarisai tunuliaqtaralugit inuit akunnerminni killilersugaanngitsumik isummersoqatigiissinnaalernissaat anguneqassasoq. Suliarlu iluarsartuullugu pilersaarusiaq aamma tamatigoortuunissamut ilapittuutaasinnaavoq, inuppassuarnut tusagassiisarnerup inuttaaqataasunut amerlasuunut paasisimasaqassutsimik tunniussaqarsinnaanera eqqarsaatigalugu.

#### *§ 5-imut*

##### Imm. 1-imut

Suliamik iluarsartuullugu pilersaarumiak aallarnisaanissamut imaluunniit suliamik piorsaanissamut sulianut ingerlatassanut tapiissutit tunniunneqarsinnaasut aalajangersaavagineqarpoq. Imm. 2-mi 3-milu ersarinnerusumik tapiissuseeriaatsit marluk qanoq paasineqassanersut aalajangersaavagineqarpoq.

##### Imm. 2-mut

Pilersitsiniarernut tapiiffiginnitarnerup qulakkeerniartussaavaa, tusagassiorfinnik nutaanik pilersitsiniarnerup piorsarnerullu nukitorsarneqarnissaata ukkatarineqarnissaa. Pilersitsiniarernut tapiissuteqartarnerup niuerfimmur iserniarnermi akimmisaarutaasinnaasut millisarsinnaavaat, aallarnisaanialeqqaallu isumassarsianik periarfissanillu nutaaliornertalinnik misileraasinnaanermik periarfissittarlugit.

Pilersitsiniarneq, pilersitsilluni timitaliinermik aallarnisaataasumillu sanaartornermik paasineqassaaq. Aalajangersakkami, tusagassiorfinnik nutaarsiassalerinermik inuiaqatigiinnillu soqutiginaatilinnik suliaqartunik pilersitsiniarnerit pineqarput.

”Immikkut namminersuutigalugit tusagassiuserinikkut sanaartorlugit suliat” aalajangersakkap uiggiutaasa aappaanniitoq, § 3, nr. 4-mi nassuarneqarneratut paasineqassaaq.

### Imm. 3-mut

Aaqqissuussaq atorlugu tusagassiorfimmik namminersortumik pioreersumik allannguinissamik piorsaanissamilluunniit aaqqissuussamik pilersaarusrorluni suliniutitut siunertallit tapiissuteqarfigineqarsinnaapput.

”Allannguinissaq” niuerfigisami pioreersumi pissutsinut naleqqussaanertut paasineqassaaq.

”Ineriaaneq” nutaaliorluni siunissami niuerfigiumaakkamut naleqqussaalluni allannguinermik paasineqassaaq.

Allannguineq ineriaanerlu tamatigut pisarpoq sanaartornermik attassiniarnermik, pitsanngorsaanermik aaqqissusoqarfimmillu saqqummersitassaniik ingerlatitseqqeriaatsimik imaluunniit atortorissaarutinut nutaanut nunallu ataqtigiinnermut atortuinut, tusagassiorfiit imarisaminnik ingerlatitseqqiffittut atugaannut naleqqussarneq allannguinerulluni.

Ineriaanarluni suliniutit tusagassiorfimmut pingaaruteqartutut inisisimasariarpoq, piffissap tapiissuteqarfigineqartup qaangiunnerani, suliniutip naammassineqarnermigut siunissami ungasinnerusumi tusagassiorfimmut sunniuteqarnissaa naatsorsuutigineqassamat.

Ineriaanarluni suliniutit sarsuatitanik niptalinnik akullit aamma tapiissuteqarfigineqarsinnaapput, aatsaalli suliniut imarisamigut pingaarnertut internetikkut allaaserisaqarnikkut saqqummersartumut attuumassuteqarpat.

### Imm. 4-mut

”misissueeqqaarneq” paasineqassaaq, tusagassiorfiup suliffeqarfittut toqqammavigiumaagaanik misissueeqqaarneq imaluunniit paasiniaaqqissaarneq, ilaliullugu suliap iluarsaallugu pilersaarusiap sunniutigisinnaasaa imminullu akilersinnaanera.

### Imm. 5-imut

Aalajangersagaq isigineqassaaq sulianut iluarsaallugit pilersaarusanut tapiissuteqarfiginninnerit qanoq atugassiissutigineqarnerannut ammut killiliinertut. Aalajangersakkap erseqqissarpaa tapiissutaasoq naliginnaasumik sanaartornermut tapiissutitut pissuseqalissanngitsoq ingerlatsinermut tapiissutitut isikkoqalerluni. Tamaammat suliassat iluarsaallugit pilersaarusiati tapiissuteqarfigineqarsinnaanngillat, qinnuteqartup suliffeqarfiata naliginnaasumik ingerlanneqarneranut tunngassuteqartutut isikkoqarpata.

## § 6-imut

Aalajangersakkap qulakkeertussaavaa, tusagassiorfiit namminerisaminnik aningaasaateqarnissaat una inatsit naapertorlugu tapiissutigineqartut saniatigut. Assersuutigalugu eqqaaneqarsinnaavoq namminerisamik aningaasaliissuteqarneq, tapiissuteqaatit allat assingusulluunniit atorlugit aningaasaliissuteqarneq.

Suliamut iluarsaallugu pilersaarasiatut tapiissuteqarfigineqarsinnaasumut, 70 %-imik aningaasat atugassatut missingersuussat iluanni suliamut iluarsaallugu pilersaarasiatut tapiissuteqarsinnaanermut sinaakkusiineq paasigallakkat naapertorlugit naliliinermik tunngaveqarpoq.

#### *§ 7-imut*

Aalajangersakkami nr.1-ip qulakkeertussaavaa, tusagassiorfiup nalliateqqittartunik aalajangersimasunillu amerlassusilinnik saqqummiussaqartarnissaa. Tusagassiorfinnut internetikkut tusagassiorfiusunut isumaqarpoq ukioq naallugu ullut tamaasa iluarsaassisarnissaq nutaarsiassaqartuarnissarlu.

Minnerpaaffigitarvik aalajangersaaneq pineqarpoq, tusagassiorfiullu namminerisaminik killeqanngitsumik saqqummersitat nutarterinerillu amerlisissinnaavai.

Nr. 2-mi aalajangersakkami pineqarpoq, tusagassiorfiup saqqummersitai nunatsinni sumiikkaluaraanniluunnit saqqummersitanut taakkununngarpiaq akigitat assigiinnissaat. Nutaarsiassaleraluni tusagassiorfiup nuna tamakkerlugu piumaneqartuunissaa piumasaqaatigineqanngilaq.

Internetikkut allaaserinnilluni tusagassortut taamatorpiaq assigiiammik periarfissiinikkut atugassinneqassapput, atuisut nunap immikkoortortaani sumiikkaluarpataluunniit. Tassunga atatillugu naatsorsuutaavoq atuisup nammineerluni atortutigut tuniniaalluni attaveqaatitigut aaqqissuussamut, tusagassiorfiup atugaanut appakaassinnaanissani aaqqiivigereersimassagaa.

Piumasaqaat tusagassiorfinnik ingerlatsisut atuisuminnut eqimattanut aalajangersimasunut akigitianut ilanngartuiffinissinnaanerat akornutaanngilaq, assersuutigalugu ilinniartunut, tusagassiuutinik pisartagaqalerlaanut imaluunniit assigisaannut. Akigitianik ilanngartuineq nunap immikkoortuinik assigiinngisitsinertaqaqusaanngilaq, piffissami aalajangersimasumi piseqquaarinnernut ilaatinneqanngippat. Taamatut piseqquaarisoqarsinnaavoq assersuutigalugu piffissami sivikitsumi, assersuutigalugu festivalimi imaluunniit illoqarfimmi ataatsimi sapaatit akunnerini pingasuni. Kisianni naliginnaasumik pisartagaqarnermut assigiinngitsunik immikkoortiteraluni akiligassiisoqarsinnaangilaq assersuutigalugu Kalaallit Nunaanni isorliunerusuni imaluunniit illoqarfinni tusagassiuutinik pisartagallip najugaqarnera najoqqutaralugu. Tassunga atatillugu nassiuussuinernut aningaasartuutit tusagassiuutinut pisartagaqarluni akilummut ilaatinneqartussaasutut isigineqarpoq.

Nr. 3 naapertorlugu tapiissusiisoqarsinnaangilaq, suliaq iluarsaallugu pilersaarasiaq piviusunngortinneqarsinnaanginera ersarivissumik takuneqarsinnaappat. Sulianut iluarsaallugit pilersaarusanut tusagassiorfinnik nutaanik pilersitsiniarnernut attuumassutilinnut tapiissusiissuteqarfingineqarsinnaanngillat, ersarivissumik takuneqarsinnaangippat tusagassiorfimmik ingerlalluarsinnaasumik suliap iluarsaallugu pilersaarusiap aallarniissutaasinnaanera.

Nr. 4 siunnersuutip §3, imm.2-anut ataqtigittillugu isigineqassaaq, tapiissuteqaatinullu piumasaqaatitalersuisoqarsinnaalissalluni. Aalajangersakkamut nassuaatit innersuutigineqarput.

#### *§ 8-mut*

##### **Imm. 1-imut**

Aalajangersakkap, suliamut iluarsaallugu pilersarusiukkamut ataatsimut qasseriarluni tapiissusiisoqartassasanersoq aalajangersarpaa. Tapiissuteqarfingineqarnissamut periarfissamik ilasinermut pissutaavoq, suliat iluarsaallugit pilersaarusat ilaatigut ukiuni arlalinni piviusunngortinniarneqartarnerat, suliallu iluarsaallugit pilersaarusat naammassiniarnerinut tapiissuteqarfingeqqinnejarnissaat pisariaqartinneqartarmat.

##### **Imm. 2-mut**

Aalajangersakkap siunertarivaa ataatsimiititaliaq tapiissutinik agguassisartoq tikkutissallugu, suliat iluarsaallugit pilersaarusat sorliit qinnuteqartumik pingaruteqarnerusutut inisisimatinneqarnersut. Ataatsimiititaliap nammineq piumassutsimik pingarnerutitanik sanioqqussisinnaaneq aalajangersinnaavaa, ataatsimiititaliap tunngavilersuutissartaqartikkuniuk.

#### *§ 9-mut*

##### **Imm. 1-imut**

Aalajangersakkami aalajangiunneqarpoq, ataatsimiititaliaq Naalaakkersuisunik pilersinneqartoq, suliassanut iluarsaallugit pilersaarusanut qinnuteqaatinik suliarinninnissamik aalajangiiffiginissamillu piginnaatitaaffeqassasoq. Ilutigalugulu aalajangersakkap aalajangerpaa, ataatsimiititaliaq ukiumut ataasiarluni ataatsimiinnermini tapiissuteqaatinik suliarinnillunilu agguassinissamik aalajangiisassasoq. Ataatsimiititaliap qanoq katiterneqarnissaa § 10-mi aalajangersaavigineqarpoq.

##### **Imm. 2-mut**

Naalakkersuisut sulianik ingerlatsinissamut maleruagassiinerannut pissutaavoq, tapiissuteqartarnermut aaqqissuussamik pisortaqarfittut ataatsimiititaliamilu allaffissornikkut ingerlatsineq Naalakkersuisunik nakkutigineqarmat. Naatsorsuutigineqassaaq, sulianik

ingerlatsinermut maleruagassiinissaq pissasoq ataatsimiititaliamik tamanna pillugu oqaloqatigiissuteqareernikkut.

#### Imm. 3-mut

Uani pineqarpoq inaarutaasumik aalajangersaaneq ataaseq (endelighedsbestemmelse-aalajangersagaq eqqartuussisutigut misiliisinnaanermik killiliisoq), isumaqartoq pisortatigoortumik maalaarutigineqarsinnaanngitsoq.

Inaarutaasumik aalajangersaanerup tunngavigivaa, ataatsimiititaliap agguassisartup suliatigut immikkut ilisimasaqassuseq qinnuteqaatinik nalilersuinissamut pisariaqartoq kisimi tigummisarimmagu. Aalajangersagaq isumaqanngilaq eqqartuussivinni naliliisitsisinnaaneq killilerneqartoq.

#### Imm. 4-mut

Naalakkersuisut ataatsimiititaliamik allattoqarnikkut tapersiinissaat pissusissamisoortutut isigineqarpoq. Allattoqarnikkut naliginnaasumik suliaqarnerit, ataatsimiinnissanut piareersaasiornerit naammassinninnerillu, sulianik nangitsinerit qinnuteqaatillu tiguneqarsimasut ataatsimiititaliamut saqqummiussassanngorlugit isumaginninneri allattoqarnikkut tapersiinerup suliassartarivai.

### *§ 10-mut*

#### Imm. 1-imut

Aalajangersakkap ataatsimiititaliap agguassisartuuusup qanoq katiterneqarnissaa aalajangersarpaa.

Inuit piukkussatut innersuutigineqartut innersuutigineqarnermikkut pisussaatitaapput aalajangersakkami piumasaqaatit aalajangersaagaasut malillugit ilaasortamik piukkunnaatilimmik toqqaanissamik.

#### Imm. 2-mut

Aalajangersagaq ataatsimiititaliami ilaasortanut piumasaqaatinik aalajangersaavoq. Piumasaqaatinut patsisaavoq qulakteerniarlugu ilaasortat inersimalereersutut nammineersinaallutik ukioqarnissaat, aammalu ilaasortat ataatsimiititaliami ilaasortaanerminnut atatillugu politikkikkut suliaqarnermikkut imaluunniit suliffeqarnermikkut soqtigisatigut akerleriittumik inissittoorsinnaannginnissaat qulakteerniarlugu.

#### Imm. 3-mut

Aalajangersakkap ataatsimiititaliap piffissaq atuuffigisassaa aalajangersarpaa. Piffissaq atuuffiusussaq ukiunut marlunnut aalajangerneqarpoq ingerlaannartumik ataatsimiititaliami nutarsaajuartoqarnissaa qulakteerumallugu. Toqqarneqaqqissinnaanermut aalajangersakkami

immikkoortumi kingullermiittumi aamma ataatsimiititaliap aalajaatsumik pissuseqarnissaa periarfissinneqarpoq.

Siunnersuutip § 24, imm. 3-annut innersuussineq ikkunneqarpoq ikaarsarnermut aalajangiussaq maluginiarneqaqqullugu, tassani pineqarami tapiissutinik agguaassisarnernut ataatsimiititaliap invertinneqareersimasup atuuifiata sivisussusaa. Tamatumalu kingunerissavaa 1 oktober 2017-imiik agguaassinernut ataatsimiititaliap atuutilertussaasup ilaasortai toqqartorneqassammata.

Imm. 4-mut

Ilaasortat akissarsiaqartinneqarnissaat akissarsiaqartitsinermut inatsit naapertorlugu ersarissumik nalunaarsorneqassasoq pissusissamisoortinneqarpoq.

#### *§ 11-mut*

Imm. 1-imut

Aalajangersakkap suliassanut iluarsaallugit pilersaarusiukkanut tapiissutinik qinnuteqartarnermut killiliussaasoq aalajangersarpaa. Killiliussaq aalajangiunneqarpoq qinnuteqaatinik isumaginninnissaq aalajangiiffiginninnissarlu piniassammat ingerlatsinermut tapiiffigitinnissamut qinnuteqaatinut killigititaq nallertinnagu.

Imm. 2-mut

Aalajangersakkamut tunngaviuvoq, suliassatut iluarsaallugit pilersaarusiati tamarmik immikkut pilersaarusiatiut isigineqarneri. Aalajangersakkap siunnersummi § 8, imm. 2-ata aalajangersakkamut aamma attuumassuteqarnera maluginiarneqassaaq, aalajangersaavigineqarmat tusagassiorfik ataaseq ukiumi qinnuteqarfiusumi, sulianut iluarsaallugit pilersaarusanut arlalinnut tapiiffigineqarnissamik qinnuteqassaguni, qinnuteqaatit pingaarnersiorlugit tulleriaarneqarneri tunniunneqartussaammata.

Imm. 3-mut

Aalajangersakkap qinnuteqaammi suut ilanngunneqassanersut aalajangersarpaa.

Peqqissaarluni annikitsortanik saqqumiilluni suliamik allaaserininnissamik nr.1-imi piumasaqaat ilanngunneqarpoq suliassap qinnuteqaatigineqartup piumasaqaatit naammasisimanerai tamakkiisumik toqqammavissaqarluni naliliisinnaanissaq anguniarlugu. Suliassap allaaserineqarnerani ersittussaavoq pilersitsiniarluni imaluunniit inerisaaniarluni suliniutaanersoq.

Nr. 2-mi aningaasatigut missingersummut aningaasalersuinissamillu pilersaarummut piumasaqaat tunngasoq siunnersuutip § 6 aamma § 7-ip, nr.3-anut attuumassuteqarpoq.

Nr. 3-mi naatsorsuutit ukioq ilivitsoq siulianeersut pillugit piumasaqaat tapiiffigineqarnissamut piumasaqaatinut § 7, nr.3-mi aamma § 8, imm. 1-imiittunut attuumassuteqarpoq.

Qinnuteqarnermut atatillugu pappialaatit § 13 naapertorlugu kukkunersiorneqarsinnaapput.

*§ 12-imut*

Imm. 1-imut

Aalajangersagaq piumasaqaammik naatsorsuutit atsioreersimasat nassiunnissaannik aalajangersaavoq. Naatsorsuutit pillugit piumasaqaat ikkunneqarpoq tapiissutigineqartut siunertamut akuersissuteqarfigisamut atorneqarsimani upernarsarniarlugu.

Qaammatinik pingasunik periarfissiineq ilanngunneqarpoq suliap nammasineqarnerata kinguninnguatigut naatsorsuutit suliarineqareerlutik nassiuneqarnissaat qulakkeerniarlugu.

Imm. 2-mut

Aalajangersakkap, annertunerusumik tapiissuteqartoqarsimatillugu, kukkunersiuismik pisortanit akuerineqartumik kukkunersiuisoqarnissamik piumasaqaat, aalajangersarpaa. Killigititaq 150.000 koruuninut inissinneqarpoq. Piumasaqaat ilanngunneqarpoq suliad annertuumik tapiissuteqarfigineqartut naatsorsuutitaat uppernartuunissaat qulakkeersimaniarneqarmat.

*§ 13-imut*

Imm. 1-imut

Aalajangersakkap kukkunersiuinerup ingerlanneqarnissaanut pingarnerutilugit piumasaqaatit aalajangersarpai. Oqariaaseq ”kukkunersiuinermi ileqqorissaarnissaq naapertorlugu” naliginnaasumik atorneqartuuvoq qanoq ilisukkulluunniit isumaa naapertorlugu paasineqartussaalluni.

Kukkunersiuinermi ileqqorissaarneq maani pineqartumi isumaqarpoq, kukkunersiuinerup takutittussaagaa qanoq eqqortigisumik sukcatigisumillu suliassat qanoq issusaasa periarfissaqartissagaat. Kukkunersiuisoq innarlerneqarsinnaannginnermik takutitsisinnaanera, kinaassusersiorttuunnginneq, isertuassisinnaaneq, sulianut pikkorissusilimmik pissuseqarneq sulianut tamakkiisumik piginnaaneqassuseq pisariaqartitamillu qajassuarluni suliakkiussanik isumaginnissinnaanermittaaq imaqarpoq.

Imm. 2-mut

Piumasaqaatit immikkut ittut aalajangersakkap, kukkunersiuinermi suut misileqqinnejartassanersut aalajangersarpai.

Tapiissuteqaatip siunertaminut atorneqarsimaneranik naliliinermi, kukkunersiusup siullerpajutillugu tapiissuteqarnikkut akuersissutaasup imarisai suliallu piviusunngortinneranut naleqqersuineq aallaavigissavaa. Pissutsit qanoq inneri apeqquataillugit qinnuteqaasiaq suliamullu iluarsaallugu pilersaarusiartaata allaaserineqarnera aamma matumanilanganngunneqarsinnaalluni.

Tapiissuteqarnerup piumasaqaatitaanik naammassinnissimanerup nalilerneqarnerani, kukkunersiusup inatsisip aalajangersaaneratigut tapiissuteqarnikkut akuersissutaasut piumasaqaataasimasinnaasullu isummerfigisinnaasariaqassavai.

#### Imm. 3-mut

Aalajangersakkap Naalakkersuisut pisussaatippai taamungaannaq misiliinikkut tigooqqaalluni naatsorsuutinik misissuisarnissaat. Aalajangersakkap siunnersuutip nakkutilliinissamut tunngasunik aalajangersagartaanut attuumassuteqarnera isiginiarneqassaaq. Taamaammat agguassineremi ataatsimiititaliaq, siunnersuutip § 21 naapertorlugu tapiissutinik tunineqartup tapiissutinik atuineranik nakkutilliisussaavoq. Naalakkersuisunit taamungaannaq misiliinikkut tigooqqaalluni misissuineq taamaalilluni aagguaassinermut ataatsimiititaliap allattoqarfiatiguulissaaq.

### *§ 14-imut*

#### Imm. 1-imut

Aalajangersakkap, tapiissutit tunniunneqartut 150.000 koruunit ataallugit annertussussillit kukkunersiorneqarnissamik piumasaqaatitaqatitaqannginneri aalajangersaavigivaa. Tamanna imm. 2-mut attuumassuteqarnera takuneqassaaq, tassani aalajangersarneqarmat tapiissutinik tigusisoq atsiornermigut uppernarsaassasoq naatsorsuutit eqqortuunerannik tapiissutilu siunertamut atorneqarsimanerinut.

Kukkunersiuinissamik piumasaqaateqartoqanngippat tunngaviuvoq, tapiissuteqaatit annertussusaat isigalugu pisariaqanngitsutut isigineqartoq, sulianullu allanut naleqqiullugit annertunngitsunut tapiissuteqarfigineqartoq kukkunersiuinermut aningaasartuutinik nammakkersorneqartariaqanngimmatsuq.

#### Imm. 2-mut

Aalajangersakkap, imm. 1 naapertorlugu 150.000 koruunit ataallugit tapiissusiisoqarneratigut kukkunersiuisoqarnissamik piumasaqaateqartoqannginneranut attuumassuteqarnera isiginiarneqassaaq.

Naalakkersuisut isumaqarpata naatsorsuutit eqqortuunnginnerannut imaluunniit tapiissutigineqartut siunertamut atorneqarsimannginnerannut pasilliinissamut patsisisaqartoq, tapiissutinik tigusisoq tamanna pillugu paassisutissanik noqqaavigineqarsinnaavoq. Tamanna erseqqissumik siunnersuutip § 21, imm. 2-mi takuneqarsinnaavoq. Taamatullu aamma § 22, imm. 2-mi agguassinerut

ataatsimiititaliaq tamakkiisumik ilaannakortumilluunniit tapiissutinik utertitseqqusilluni piumasaqarsinnaasoq erseqqarissumik allaqqavoq, assersuutigalugu tapiissutinik tigusisoq paasisutissanik tapiissutinut attuumassuteqartunik tunniussinissamut pinaasersimappat, uanilu pineqarput naatsorsuutit suliamullu nalunaarusiorluni immersuvivissat immersoriikkat.

Imm. 3-mut

Aalajangersakkap siunertarivaa, tapiissutinik tigusisup qanoq annertutigisunik tapiissuteqarfingeqarsimanerata tamakkiisumik takuneqarsinnaanissa. Tamanna pingaaruteqalersinnaavoq utertitsilluni akiliisoqarnissamik piumasaqaateqartoqalissagaluarpat, paasineqarpallu tapiissutinik tigusisoq suliamut qinnuteqaasiornermi missingersuummut sanilliullugu suliamut atuinikinnerusimasoq, tak. § 22, imm. 2 nr.5.

Imm. 4-mut

Aalajangersakkap siunertarivaa Naalakkersuisut periarfissalerneqassasut, suliap ilusilersorlugu pilersaarsiap naammassineqarneranut paasisutissanik ilassutaasunik ilusilersorluarlugit suliarineqartunik tunniussivigineqarsinnaalersillugit. Tamannalu naatsorsuutinut ilassutitut isigineqassaaq. Immersugassap assersuutigalugu imarisinnaavai suliniutip iluani sunik ingerlataqartoqarsimanersoq, kikkut suliniummut ilaasimanersut suliniutillu pilersitaanik naliliinera, ilaalu ilanngullugit.

#### *§ 15-imut*

Aalajangersakkap aalajangersarpaa, ingerlatsinermut tapiissusiisarnermi siunertatut pingartinneqarmat, paasisutissanik naliginnaasumik inooqatigiinnermut tunngasunik tusagassiutitigut naqitatigut ingerlatitsinerup siuarsarnissaata sunniuteqarfinginissaa. Inuiaqatigiinnik naliginnaasumik qaammarsaaniarneq inooqatigiinnermi pingaarutilerujussuartut isigineqarpoq, inuiaqatigiinnilu paasisutissanik ingerlatitsiffiusuni toqqammavittut pingaarutilittut isigineqarluni.

Aamma siunertaavoq inuit akornganni killilersugaanngitsumik isummersorsinnaaneq anguniarneqassasoq tusagassiorfiup saqqummersitai tunuliaqtalaralugit.

Tapiissusiisarnerup nuna tamakkerlugu naqitanut saqqummersartunuinnaq tunngassuteqarnera oqaatigineqassaaq.

Tusagassiorfiup nuna tamakkerlugu saqqummersartunera isumaqarpoq, nuna tamakkivillugu saqqummersartuunissaa, tamanna siunnersuutip § 16, nr. 1-imi erseqqissaatigineqarpoq.

”Tusagassiutit naqitat” siunnersuutip § 2, imm. 4-mi nassuaatigineqarput.

#### *§ 16-imut*

Aalajangersakkap, ingerlatsinermut tapiissuteqarnissamut piumasaqaatit immikkoortiterlugit aalajangersarpai.

Nr. 1-imu aalajangersassallugu tulluartinneqarpoq, tusagassiorfik naqitanik saqqummersitsisassasoq. Tamatumani qulakteerneqartussaamat, innuttaasut tamarmik teknikkikkut atortorissaarusersunngikkaluarlutik tusagassiummik atuisinnaanermik periarfissinneqarnissaat.

Tusagassiutip minnerpaamik qaammammut ataasiarluni saqqummersartuunissaata aalajangersaavagineqarnerata qulakteertussaavaa nutaarsiassanik ingerlaannartumik tunniussuinissaq, taamaalilluni inuttaasut maanna pisunik pissarsisinnaanerat annertusarneqassaluni.

Aalajangersagaq minnerpaatitaaffissanik aalajangersasuuvvoq, tusagassorfimmik tapiissuteqarfingineqarsinnaanngitsitsinngilaq, assersuutigalugu saqqummersittagai internetikkoortunuk ilaqtarinneqarpata, imaluunniit naqitamik qaammammut ataasiaannarani saqqummersitsisaruni. Innuttaasut sumiluunniit najugaqaraluarlutik nutaarsiassaqartinneqarnissaat siunertarineqarpoq, taamaammallu tusagassiorfiup nuna tamakkerlugu saqqummersitsisarnissaa piumasaqaatit aalajangiiffingineqarpoq.

Nr. 2-mi aqutsinermi eqqumaffigisassat peqqutigalugit tapiiffingineqarnissamik qinnuteqaatit qinnuteqarnissamut killiliussaq qaangiutsinnagu tiguneqareersimassapput. Qinnuteqaatit killiliussaasup qaangiutereerneratigut tiguneqartut tapiissuteqarfingineqarsinnaanngillat.

Nr. 3-mi aalajangersakkap Naalakkersuisut aningaasat ingerlatsinermut tapiissutigineqartut atorneqarnerinik nakkutilliisinnaanerat qulakteertussaavaa.

”Pisariaqartitamik takussutissiinissaq” paasineqassaaq, naatsorsuutit kukkunersiuismik atsiorneqarsimasut saniatigut paasissutissat pappiaqqatigoortut, aningaasat ingerlatsinermut tapiissutigineqartut tamakkerlugin pissusissamisoortumik atorneqarnerinut upernarsaatit takussutissiissutigineqartut piumasaqaat naapertorlugu.

### *§ 17-imut*

Imm. 1-imut

Ingerlatsinermut tapiissutinik qinnuteqaatinik piffisaq eqqorlugu tunniussivissaq ukiup ilivitsup naalernerani pisussanngorlugu inissinneqarnera pissusissamisoortutut isigineqarpoq, taamaalilluni tapiissutigineqartut annertunersaasa atorneqarneri qinnuteqaatip tunniunneqarnerata nalaani takussutissartaqarniassammata.

Imm. 2-mut

Aalajangersakkap qinnuteqaatit isikkussaannik qinnuteqaatillu imarisassaattut piumasaqaatit sukumiinerusumik nalunaarsorneqarsimasut aalajangersaavigivai.

Qinnuteqaatip nalilorsorneqarsinnaanissaanut tapiissuteqarfingeqarsinnaalernissamullu piumasaqaatit pisariaqartut pineqarput.

Tapiissuteqarfingeqarnissamut piumasaqaatit naammassineqarsimanerinut takussutissat, tapiissuteqarfingittarnerni ataatsimut piumasaqaatinut, piumasaqaatinullu immikkut aalajangersakkanut naleqquttussaapput.

Saqqumersitat amerlassusissaannut takussutissiinissamik piumasaqaat siunnersuummi § 18-imut attuumassuteqartutut isigineqassaaq, tassani ingerlatsinermut tapiissutit tunniunneqartassammata tusagassiorfiit immikkuititaarlutik ukiumi tapiissuteqarfiusumi saqqummersitaasa amerlassusaat ukiumi tapiissuteqarfiusumi saqqummersitat amerlassusaasa katinnerinut naleqqiunnerisigut.

Imm. 3-mut

Aalajangersakkap Naalakkersuisut periarfissippai, tapiiffingeqarsinnaanissaamut piumasaqaatinik naammassisqarnerniarnermut paassisutissanik attuumassutilinnik annertunerusunik piumasaqarsinnaatillugit. Tassani takussutissat, imm. 2-mi piumasaqaatigineqartut, saniatigut pineqarput.

#### *§ 18-imut*

Imm. 1-imut

Aningaasanut inatsimmi ingerlatsinermut tapiissutip aningaasanut agguaassassanut marluusunut avinneqarsinnaanerat pissusissamisoortinnejarpooq. Agguaassassat aappaat tusagassiutinut sapaatip akunneranut ataasiarluni arlaleriarluniluunniit saqqummersartunoorpoq. Agguaassassat aappaat tusagassiutinut sapaatip akunnikaartumik akuttunerusumik akulikinnerpaamilli qaammammut ataasiarluni saqqummersartunoorpoq.

Inatsisartut Aningaasanut Inatsimmik akuersinermut atatillugu aningaasaliissutit qanoq amerlatigisut agguaassassanut marluusunut agguarneqartassanersut aalajangiiffigisassavaat.

Imm. 2-imut

Aalajangersakkap, tapiissuteqaatit qanoq agguaanneqassanersut aalajangersarpaa.

Aalajangersakkami siunertarineqarpooq tapiissuteqaatit akuersissutaasut annertussusilerneqartassasut ukiumi tapiissuteqarfiusumi saqqummersitat, tapiissuteqarfingeqarnissamut piumasaqaatinik naammassinnissimasut, annertussusaat naapertorlugu. Taamasilluni aningaasanut agguagassanut marluk qinnuteqarpata, qinnuteqartoq

siulleq 52-inik saqqummersitaqarsimaguni aappaalu 26-nik saqqummersitaqarsimalluni, siulliup akuersissutit aningaasat agguagassat 2/3-ii pissavai aappaatalu akuersissutit aningaasat agguagassat 1/3-ii pissallugit.

#### Imm. 3-mut

Aalajangersakkap ersersipaa pissusissamisoortutut isigineqartoq, tapiisutigisassatut akuersissutip tamakkerlugu atorneqarnissaa qanorluunniit amerlassusilinnik qinnuteqaateqartoqaraluarpas.

Ukiut ilaanni aningaasanik agguagassanut arlaannut qinnuteqartoqassanngikkaluarpat, agguagassat marluusut aningaasanut inatsimmi aningaasaliisummit ataatsimeersuummata, agguagassap aappaanut aningaasanut inatsimmi suleriaatsitut agguagassat aappaannut nuussisoqarsinnaavoq tassanilu atuisoqarsinnaalluni.

#### *§ 19-imut*

Pineqartoq tassaavoq inaarutaasumik aalajangiisarneq, tamannalu isumaqarluni aalajangerneq allaffissornikkut maalaarutigineqarsinnaanngitsoq.

Inaarutaasumik aalajangiisarneq tunngavilerneqarpoq pineqarmat aaqqissuussineq kinaassusersiunngitsumik tunngavilimmik suliaammat. Taamaattumillu pisariaqartinneqanngilaq immikkut allaffissornikkut maalaartarfegarnissaa. Aalajangersagarli isumaqanngilaq suliap eqqartuussivitsigut misilinneqarsinnaanera killilerneqartoq.

#### *§ 20-mut*

#### Imm. 1-imut

Aalajangersakkap aalajangersarpaa, Naalakkersuisut tapiissuteqartarnermut aaqqissuussaq aqutsisoqarnikkut isumagisassarigaat agguaassisarnermut ataatsiimititaliamut allattoqarfiunermikkut. Tamanna ilaatigut isumaqarpoq, Naalakkersuisut tapiissuteqartarnermut aaqqissuussaq pillugu paassisutissiisassasut, aqutsisoqarnikkut suleriaatsinik ilannguttariaqarsinnaasunik aalajangersaallutik, qinnuteqaatit tigullugit taakkuninngalu agguaassisarnermut ataatsimiititaliamut saqqummiussassanngorlugit suliarinnillutik.

#### Imm. 2-mut

Aalajangersakkami siunertarineqarpoq, paassisutissat tapiissuteqarfingeqarnermut toqqammaviusut malunnaatilimmik allanguutaat pillugit tapiissutinik tigusisup Naalakkersuisunut nalunaarutiginnittussaanermik pisussaaffilerneqarneranik. Tamanna siunnersuutip § 22, imm. 1-imut atasutut isigineqassaaq, agguaassinernullu ataatsimiititaliap tamanna malillugu aningaasanik tapiissutaasunik tunniussinissaq unitsissinnaavaa, tapiissuteqarnissamut toqqammaviusoq atorsinnaajunnaartutut naliliiffingeqarpat. Assigisaanik agguaassinernut ataatsimiititaliaq tapiissutit

akuerineqartut tamakkiisumik ilaannakortumilluunniit utertinneqarnissaannik piumasaqaateqarsinnaavoq, tapiissutinik tigusisup assersuutigalugu tapiiffiqeqarsinnaanermut piumasaqaatit naammassisinnaajunnaarpagit, taamatullu suliassanik naatsorsuutaasunik naammassinnissinnaanngippat.

### *§ 21-mut*

#### Imm. 1-imut

Aalajangersakkap agguassassinernut ataatsimiititaliaq pisussaatippaa suliassanut ilusilersorlugit pilersaarusanik nakkutilliinissamik. Nakkutilliineq agguassassinernut ataatsimiititaliap allattoqarfatiqoqluni pissaaq. Tapiissutinik agguassassinernut ataatsimiititaliap tapiissutinik agguassineq akisussaaffigimmagu, pissusissamisoortutut isigineqarpoq ataatsimiititaliap aamma aaqqissuussamik nakkutilliisuunissaa.

#### Imm. 2-mut

Aalajangersakkut agguassassinermut ataatsimiititaliaq periarfissinneqarpoq nakkutilliinerminut atatillugu tapiissutinik tigusisumit paasissutissanik pisariaqartunik piumasaqarfinginssinnaatinneqartoq. Tamanna ataatsimiititaliap allattoqarfatiqoqluni pisassaaq.

### *§ 22-mut*

#### Imm. 1-imut

Aalajangersakkap aalajangersarpaa, agguassassinernut ataatsimiititaliap tapiissuteqarnernik unitsitsisinnaasoq, tapiissuteqarnermut toqqammaviusoq atorsinnaajunnaarpat. Peqqutaasinnaavoq tusagassiorfiup saqqummersitaasa minnerpaamik qaamammut ataasiarlutik saqqummiissaarnerisigut, imaluunniit piumasaqaatit tapiissuteqarnermut attuumassuteqarsinnaasut malinnejqanngitsoornerisigut.

#### Imm. 2-mut

Aalajangersakkap aalajangersarpaa, qanoq pisoqartillugu agguassassinermut ataatsimiititaliaq tapiissutinik akuersissutigineqartunik tamakkiisumik ilaannakortumilluunniit utertitsinissamik piumasaqaateqarsinnaasoq. Pissutsit eqqaaneqartut agguassisarnermut ataatsimiititaliap nakkutilliineranut atatilugu tapiissutinik tigusisup naatsorsuusiaasa mississorneqarnerisigut paasineqarsinnaapput.

### *§ 23-mut*

#### Imm. 1-imut

Aalajangersakkap, ingerlatsinermut tapiissutinik qanoq atuineranik, tapiissuteqartarnernut maleruagassat eqqortumik maleruarneqarnerinik tapiissuteqarnermilu piumasaqaataasinnaasunik

allanik nakkutilliisussaq kinaanersoq aalajangersarpaa. Nakkutilliisutut suliap Naalakkersuisunut inissinneqarsimaneranut peqqutaavoq, Naalakkersuisut ingerlatsinermut tapiissutinut tunngassutilinnik suliaqartuummata aalajangiisartuullutillu.

Imm. 2-mut

Aalajangersakkap Naalakkersuisut nakkutilliinermik ingerlatsinermikkut tapiissutinik tigusisumut paasissutissanik pisariaqartitanik noqqaavinnissinaanermik periarfissippai.

*§ 24-mut*

Imm. 1-imut

Aalajangersakkap piffissaq atuutsitaalerfiusoq aalajangersarpaa. Tamatuminnga aalajangiinerup patsisigivaa atuutsitaalerfiusup siusinnerpaamik ukiup ilivitsup aallartinnerani pinissaa kissaatigineqarmat, tapiissusiisarnernut aaqqissuussat qaammatisiutit ukiuat naapertorlugu ingerlammata.

Imm. 2-mut

Aalajangersakkap aalajangersarpaa, tusagassiorfinnut tapiissuteqartarnernut maleruagassat maannamut atuuttuusut inatsisip atulersitaanera ilutigalugu atorunnaarsitaassasut. Tamanna pissaaq, maleruagassat maannamut atuuttuusut inatsimmik taarserneqarnissaat siunertarineqarmat.

Imm. 3-mut

Aalajangersagaq ikaarsaariarnissamut aalajangersagaavoq. Aalajangersaavigivaa, tusagassiorfinnut tapiissuteqartarnerit pillugit nalunaarusiaq maannamut atuuttusoq naapertorlugu aalajangersaavigineqarsimasup agguassisarnernut ataatsimiititaliap ilaasortaasa piffissaq atuuffigisartik 30. september 2017 tikillugu ingerlatissagaat. Tamanna piffissami aalajangersimasumi toqqakkatut ilaasortaanerannut naleqquppoq. Tamatumuunalu pissusissamisoortutut isigineqarpoq, ataatsimiititaliap ivertinneqareersimasup piffissap aalajangersimasup toqqagaaffigalugu atuuffigisami qaangiunnissaata tungaanut suliassani nakkutigissagai.